

**Ka Jingkyrpad na ka bynta ki Dorkhas-tyrwa:**

**Ka Purkrang Dulir-rim bad Shlem Markor**

*(Request for Proposals: Archives and Museums programme)*

**Ka India Foundation for the Arts (IFA)**

ba ia trei synrop bad

**Ka Ever-Living Museum**

**Ka Sngikut Phah Dorkhas-aikam la pynkhyndria sha ka- Sngithohdieng, Nailur 8,  
2023**

*(Application Deadline extended to: Friday, September 8th, 2023)*

Ka [IFA](#), ha ka ba ia trei-syllok bad ka Ever-Living Museum ha Shillong ka khot ki dorkhas-aikam na ka bynta ka **IFA-Ever-Living Museum Creative Project** bad **IFA-Ever-Living Museum Scholarly Project**, hapoh ka shlem jong ka ba khmih ia ki Dulir-rim bad ki Markor ([Archives and Museums programme](#)) jong ka. Ka purkam (programme) ka don arsyrtap ki jingthmu: ban ai ha ki riewtbit mattithaw (*arts*) bad riew-tih-sani (researcher) ia ka lad ban kyrsoi thymmai, kynthoh-sani bad thaw-hi ki syrwet-lynti na ka bynta ban shim bynta paidbah ha ka ba kynshew ia ki dulir-rim bad markor; bad ban seibor ia kine ki shlem-trei kum ki rynsan ban iasyllok bad tainia. Pule ([Read](#)) shaphang ki kam-tei hapoh kane ka purkrang.

**Shaphang Ka Ever-Living Museum bad la ki mar kynshew:**

La seng ha u snem 2015, ka Ever-Living Museum ha Shillong, Meghalaya, ka dei ka ba la prat lynti shimet ba long trai bad pynbit pynbiang da u Bah Kyntiewbor War. La seng-trai ha shnong Mawshbuit, kumba shiteng kynta ba ia id kali na nongbah Shillong. Ki mar-kynshew bad mar-kordor ba la buh-nam ki phalang ia ka kam-aiti jong u Bah Kyntiewbor War ha ka ba pyrshang ban tyngkai ia ki mar nongkynti na ka thaiñ bad ki markor ba la synñiang da ki paralok parajor. Ki skit bunjait jong ki mar-kynshew ki plie lynti ban khongngoid halor ki rikynti jong ka thaiñ, ki briew bad la ka rukom im.

La phiah ia ka shlem markor ha ki lai bynta:

- Ka jylli Nongkynti (*Heritage*) ka pyninam ia ki markordor ka deiriti jong byllai ki paidbynriew tynrai na ka thaiñ, naduh ki tiar iing tiar sem, ki tiar lehniam, ki tiar thaiñ, ki jaiñ suh bad ki jyndeng kordor. Ka don ruh ka jylli barat ia ki mar shimet jong u Bah Kyntiewbor War ki ba kdew ia lyngwiar jingim bad jingiaid lynti.
- Ki mar-kynshew maw ki ba lum thup ia ki shruh-la-maw (*fossil*), ki mar jukmaw (*stone age tools*), ki mar-nar, ki mawlynnai mawkordor ba lap na jylla Meghalaya.
- Ka Kper ha atad jong ka shlem-mar-kordor ka lum thup da ki spah tylli ki kynbat tynrai, ki tiewdieng ba kynrei ha Rilum, ba la bynrap ruh da ki khanatang ki puriskam.

Nalor kita ki mar-kynshew, ki don ruh ki dur naduh ki ksaid ba iphieng bad ka mariang ba suhsieng haduh ki trep tynrai ba la kham ñiar na jylla Meghalaya.

Na ka bynta ki Pyrshot-kam (*Project*) Thaw-hi bad Tih-sani, ka Ever-Living Museum kan plie lut naphang ki mar-kynshew.

### Shaphang ka **IFA-Ever-Living Museum Creative and Scholarly Projects:**

Na ka bynta ki Pyrshot-kam Tih-sani (*Scholarly Project*), ngi pynshlur ki dorkhas-tyrwa ba lah ban tih-sani bad kynthoh katkum ki mar-kynshew, ban thaw marthup (*content*) ki ban kyrshan ia ka thiar jingtip jong ka shlem ryngkat ki jingmih ba paw shynna kum ki pad-kyrteng ki markynshew bad jynthoh, ki dorkhas, ki kotdur batai ne wad iarap ter ter., bad ban pynpaw ia la ki kam-tih-sani lyngba ki purkam na ki snurpathai bad khlem snurpathai.

Na ka bynta ki Pyrshot-kam Thaw-hi, ngi wad ki dorkhas-tyrwa (*proposal*) ki ba pynikam buit-thymmai ba pynbit pynbiang bad kyrsoi thohdur ban mutdur-pat ia ki markynshew da ka ba thew-thik ha ka ba shna-lade da ka jurpawnoh (digital) ha shlem mar-nongra-kordor, ba kynshew kyntien ia ki khana-mynnor katkum ki mar-nongra-kordor bad ki nongkynshew, lum dular durim, shna purkam bad pynmih ban pynphriang bad shim bynta paidbah na ka bynta ka shlem markor kum ka ba pathai khubor, durim, treisynrop, pyninam bad kumta ter ter.

Ngi pynshlur ia ki pyrshot-kam ki ba pynikam ia ka jinglah ban pyrkhath lyngba ka ba synrop-kyrhah bad ba trei-syllok ki syrwet-lynti bad buit-stad-trei na ka bynta ki jingmih lajong. Ki dorkhas-aikam ki lah ban shim bynta da ka ba paw-tbit naphang ha ka mar-kynshew. Hynrei ym dei ban long kyllum lang bad ki pyrshat-kam ki lah ban thew-thik tang kawei ka bynta jong ka shlem markor kumjuh.

### **Baroh artylli ki pyrshot-kam la thew phangma na ka bynta shisnem.**

Ki Kyntokam Pyrshot-kam ki ba trei ha ki pyrshot-kam Thaw-lade ne Tih-sani ki donkam ban khmih, ban pule bad ban tih-bniah ia ki mar-kynshew ha ki thaw marmet jong ka shlem-markor ha nongbah Shillong, Meghalaya. Ki Kynto-kam Pyrshot-kam ki lah ban ioh khmih ia ki tiar ba la kdew na ka bynta ka aiom ba la buhti ia ka pyrshot-kam. Na ka bynta ban tip shuh shuh shaphang ki markynshew bad ki tiar ba lah ban ioh na ka bynta ban tih bniah, sngewbha iashem ia u Sashi Teibor Laloo ha [teiborsashi@gmail.com](mailto:teiborsashi@gmail.com) lane Andrew Marwein ha [andrewmarwein412@gmail.com](mailto:andrewmarwein412@gmail.com).

### **Ka Bui-paw-kam jong ki Riew-kwah-kam**

#### **Applicant Profile:**

- Ngi wad dorkhas-aikam na ki riewtbit, barikor, riew-tih-bniah, nongthoh, tyngshop-puron kumjuh ruh ki riewtrei thaw-lade, bad na ki riewpulesani ki ba trei tih-bniah bad ba duriap ha ka ba lum martyngkai bad kynshew markor.
- Ki kyrtong ki ba pnah ktien Khasi la pynshlur ban phah dorkhas-aikam, namar ba ka ba nang ban pariah parai ha ka ktien kan long ka ba kham donkam ban pyniaid ia ka kam tih-sani.
- Na ka bynta ka Pyrshot-kam Thaw-hi, ngi pynshlur ki dorkhas-aikam ki ba lah ban thaw-miat da ka ba pyndonkam baroh ki markynshew naphang. Jar la katta

ym dei ba hap leh beit bad ki kyrtong ki lah ban jied da ka ba thew-thik ha ki bynta ba kongsan jong ka shlem-markor (*museum*)

- Ngi pynshlur ruh ia ki kyrtong ban pynikam la ka jinglah ban pyrshat lyngba ka syrwet lynti ba syllok-bunjait (*interdisciplinary*) bad synrop-treilang (*collaborative*) bad ki buit-stad-trei na ka bynta la ki jingmih.
- Namar ba ka Ever-Living ka dei ka shlem-markor na nongbah Shillong ba kynthup-naphang, yn ai-kabu ia ki dorkhas-aikam ki ba na poh bad na kylleng ka jylla Meghalaya namar ba ki Kher Pyrshot-kam (*Project Coordinator*) kin hap pynlut shikatdei ka por ha ki dulir-rim ha ka samoi ba trei ka pyrshot-kam.
- Tang ki trai shnong na India ki lah ban phah dorkhas. Ban tip shuh shaphang ki kyndon ba pdiang jingbit, khñiot hangne.

### **Ki Kyndon-kdew Dorkhas-aikam:**

Ki dorkhas-aikam ki dei ban kynthup ia:

- Ka Dorkhas-tyrwa (*Proposal*) ba batai ia ka pyrshot-kam (kumba la batai ha ka byrta ryngkat ki jingbthah halor ki jingmih thaw-hi ba lah ban mutdur, lane ki jingkylli tih-sani lada dei ka Pyrshot-kam Tih-sani) ki ba lah ban pynmih na ki dur bad jingthoh ba la kdew haneng. Ka jingbatai ka dei ban kynthup ia ka phangma(*vision*) ka kdew-lynti bad ki jingmih ba lah ban long.
- Ka jynthoh lyngkot bad kiwei ki pur-krang paidbah ba lah ban pynmih na ki mar ki mata.

Ka mang-pisa ba bniah.

- Ka dulir-kam lajong shimet (*CV*) ryngkat ka jingbatai ia ka pyrshot-kam ba lah ju trei mynshwa kum u riwbtbit, barikor ne riwutih-sani. Kane ka jingbatai ka dei ban kynthup ia ka phangma, rukom-treikam, bad ka jingmih na ka pyrshot-kam. Sngewbha phah da ki saibteng (link) ym da ki dulir-tyngkhap.
- Phi lah ban thoh ia ka dorkhas-tyrwa ha kano kano ka ktien na India, kynthup ruh ha ka ktien phareng. Ka IFA ka pynshlur ki pyrshot-kam ha ka ktien tynrai na India ban ia ka ktien phareng na ka bynta ban synñiang sha ka syllok-nia ha ki ba bun ki ktien ba iadei.
- Phah Email ia ki dorkhas-aikam lane ki jingkylli sha ka Ritwika Misra ha [ritwika@indiaifa.org](mailto:ritwika@indiaifa.org) ryngkat ka phang ba thoh kumne: Application for IFA - Ever-Living Museum

### **Ka Mang-pisa Pyrshot-kam**

- Ka pyrshot-kam ym dei ban palat ia ka 2,00,000/- tyngka
- Phi lah ban kyrpad ka bai rneng ka ba ym palat 35% na ka mang-pisa ba la tyrwa na ka bynta ka samoi jong baroh kawei ka pyrshot-kam. Ka tyngka ba pura kan kynthup ruh ia ka bai rneng.

- Ka Seng-pisa kan dei ban kynthup tang ia ka jinglut ha ka pyrshot-kam bad ki kam ba iadei, bad ym lah ban siew ia ki jingtei ne ban thied ki kor.

**Ki tarik ba kongsan:**

- Ka sngi khatduh ban pdiang ia ki dorkhas-aikam ka dei Sngithohdieng, **September 8, 2023**.
- Ka syllok-tohkit (*interview*) ryngkat ki kyrtong ba la jied la khmih lynti ban long ha u bnai **September 2023**.
- Ka pyrshot-kam kan sdang naduh u bnai **October 2023** na ka bynta ka samoi ba **shisnem**

**Ka IFA kan pyntreikam ia kane ka pyrshot-kam ryngkat bad phi markhmat kum ka Kher Pyrshot-kam**

*Sngewbha khmih ba ka IFA ka shim khia ban thaw ka mariang ka ba shngaiñ ka ba kyrshan, burom bad iada ia kawei-pa-kawei, kynthup ia ki khynnah. Ki kyrtong ki dei imsngi ha kata bad ban batskhem manla ka por.*